

乾

隆

鄞

縣

志

新修鄞縣志序

鄞浙東大縣也國語句踐之地東
至于鄞厥名舊矣今縣境在
漢為鄞句章三縣之地唐始分
越州置明州以鄞為附郭吳
越有國改鄞為鄞自宋以來郡
屢更名而縣名無改山水清嘉人

序

物秀異樓宣獻王深寧袁清容
之流風奕世不忘攷明州圖經昉
於宋乾道守臣張津厥後有
胡槩之寶慶四明志吳潛之四明
續志元則有袁楠之延祐四明
志王元恭之四明續志明則有
楊實之四明郡志張時徹之寧

波府志文獻流傳遠有代序而
縣獨未有志

國朝康熙初邑人聞性道躬修
頗為詳備而拙於文詞未為通人
所許越今又百餘年矣田疇之
墾闢戶口之繁庶官師之除代
科目之登選鄉先達之嘉言懿
序

行皆當大書特書以備史館采
訪若不及時哀輯勢將日就湮
沒更歷十數以書生困於簿牒
俗吏窘於文翰政事文學俱弗
宜乎其視為不急之務而懸置
之也武進錢君竹初為尚書文敏
公介第以名孝廉領襲風雅及

李緣溯省由遂昌調任此邑數載
以來政通人和已膺大府薦剡
遷擢有期乃與邑中士大夫議
修縣志鉤稽按牘籌畫經費
發凡起例既詳且慎吾鄉少
詹事錢公曉徵養病里居與
君有舊敦聘至鄞相与考覈

史傳商榷異同不特續舊志
 之未備更且補前人之闕佚訂
 訛糾謬厥功尤偉此非一鄉一
 邑之書而千秋不朽之書也彼
 武功朝邑之志徒以簡略勝猶
 傳誦列今况辭嚴事覈質而
 有文如此志者固已十倍過之哉

予自掇垣篆

恩命觀察此邦與君共事有
年綆短汲深時賴速所不逮今
又樂觀新志之成深為此邦
父獻幸也爰不辭而序之

乾隆五十三年四月

賜進士出身浙江分巡寧紹台兼

亭

管水利海防兵備道寶山印憲

曾撰

鄞縣志序

寧波古甬句東地秦漢屬會稽
郡枕山臂江抱負滄海實東南
之要會予以癸卯之夏來守是邦
愛其山川風物之粹爰而邪之
人亦安予之拙也嘗因郡志歷久
未修典制缺略思為探纂前記
序

勒一書以脩學故輅寸膚受曾
未能省也倚郭之邑曰鄆地大
物衆甲諸邑號稱繁望武進
錢君竹初用名孝廉莅之有年恪
勤官次施教申令政通而人蘇
予固已灑然昇之矣而君撫字之
餘尤留意於邑乘縛心壹力薈纂

錯綜討故載庫新闢禮碩茂以
任之炳丹青以飾之疆域之沿革
農田水利之廢興無不詳也官司
人物之賢者能者有益於民者
以及潛德之幽光霜閨之貞行無
不甄而著也
二
廟學兵防之鉅時
俗物產之細無不廣記而備言也

序

開函燦然盈耳溢目其事核其
文辨以裁信乎其為善志也郡
國之志條叙始末贛繼此南陽造
風俗之篇襄陽標耆舊之傳陳
留汝南楚國華陽述先賢表
士女紀風土日修以繇而會稽
有典錄有先賢傳明越之志蓋

權輿于此其專志則在宋有張州
將律圖經吳制使潛慶元志胡
尚書渠寶慶志載在晁公武讀
書志者別有姜氏嶼之風物志
在元明有袁學士楠王總管元秦
黃金事潤玉楊博士實張尚書時
徹之志予嘗博攷焉近時所用為

富平曹公踵邛李二守之舊成
書三十六卷雖亦翔實有灋然
厯年既久並宜續初續業予既
媿有志未逮竊喜君之擴擴新
叙以成之者之有以深厭予心也班
固氏有言有因而成易無曰而成
難鄭志自汪令源澤纂輯後

閱百年而君始紹之用力之難易
有倍於無因者昔溫公稱宋次道長
安河南二志雖因韋述舊記而詳
不啻十餘倍歎為真博物書吾家
同甫送徐子才宰富陽羨其隨
所寓而常有餘殆君之謂與師
曠之調鐘琤知音之在後也他日

序

有蒞茲土而考鏡前聞者其將
視此書為軌律也夫時

乾隆五十二年歲在丁未嘉平月
寧波府知府桂林陳鍾琛謨

重修鄞縣志序

周禮大司徒之屬有土訓掌道地置以
詔地事誦詵掌道方志以詔觀事郡縣
之志殆由此昉歟蓋一邑之山川疆域
兵農賦役人物政治非有載藉臚列之
在官無以考鏡於成迹在民無以觀感
於前刑是志也者守土之吏與邦人士
文有賈責者必鄞爲古句角地浙東一

望縣之負山濱海形勢扼要有魚鹽市
舶之利宋元迄明人心尤蔚然稱盛乃
予甫下車即訪求邑乘自間貢士脩輯
後已閱百載續有太師曹公之郡志亦
癸卯十季矣此六十年中風俗之變
遷政事之沿革未知何如而典章散佚
文獻凋零已可槩見歲在乙巳爰延家
詹事曉徵王纂脩之任舉邑中碩學搜

羅孝訂冗者汰之闕者補之譎者正之
中間予偕計吏北行局遂輟丁未踵行
前後計一稔餘乃蔽事焉唐時博雅醇
儒復虛中兼執集衆譴而勤二不倦譴
大譴小書成事詳而文簡可當良史矣
抑予因之有感焉

天子置令長親民之官所訟甚厚苟能
興利除害與百姓休戚如一體重竟陵

序

叩盡之羞致中牟三異之美庶幾上糴
負

聖朝下不忝厥職考前志名宦各錢氏
如康憲之濬廣德湖它山堰君倚定酒
場官粥之制以蘇衙前之困代有德澤
流播明州君倚勛又毘陵人也聖祖王
芳洲陸岱瞻二公皆各乘梓前旼曾官
茲土莫不循績炳著簡冊予何人斯承

乏中牟矣錄二薄書明會間舉時俯仰
豪無片善及民雖幸從諸君子後稍分
糸枝之勞狀稽戶口之日繁則懼撫綏
之不易也覽隄防之多廢則慮水庸之
難復也科名減而漸衰習俗漓而先舊
則慙禮教之未逮而振興之不力也良
規具在地方竟無起色傳有之受人牛
羊求牧畜而不得謂之何哉惟重有望

於後之賢有司而已矣時乾隆五十二
年七月鄞縣知縣武進錢維高序

邑人范永祺書

鄞縣志

凡例

一鄞志自康熙二十五年間貢士性道修葺迄今已及百載遺聞舊事漸就放佚茲博稽載籍參以采訪賦役營伍徵諸吏牘人物事蹟聚諸鄉評庶可補前志之遺文爲一方之徵信

一論語贊堯之則天必云煥乎文章

國朝

列聖相承右文稽古

宸章奎畫炳耀海內鄞邑雖在海隅而故家士族名山琳宇時蒙

頒賜謹錄

天章於首卷以爲守土之榮

一志之有圖如人有眉目聞志祇有郡治縣境兩圖殊未該備今按縣城爲本府附郭城內城外水利關係民生利病學宮爲人士之觀瞻海防爲軍政之樞要范氏天一閣圖式曾恭呈

御覽四明育王天童又一方之名山福地今皆圖而列之俾觀者瞭如指掌

一宋乾道新安志嘉泰會稽志景定建康志成淳臨安志皆詳贍有法其紀一邑者若高似孫之剡錄楊潛之雲間志亦皆文質彬彬足備一方之文獻明之武功朝邑諸志

專以簡勝未免爲空疎藏拙之地矣四明文獻甲於兩浙
若網羅太廣恐卷帙紛紛繁又有疥駱駝之誚博觀約取此
中頗有苦心焉

一漢時鄧城在今縣東三十里所謂鄧山城也廢於隋而
復立於唐其治在小溪李志謂徙治故鄧城者誤也大歷
中移縣於三江口而郡與縣分長慶初州治與縣治互易
而郡與縣仍分曹志謂鄧縣之附郭始此亦誤也鄧縣之
附郭其在唐季乎前志略而不言近志遂多臆揣茲特考
而正之

一志中取材或據歷代正史或採地理書

如元和郡縣志太平寰宇記元

豐九域志方輿勝覽方輿紀要之類

或引舊志

如乾道圖經寶慶四明志開慶續志延祐四明志至正續

志之類 或名公詩文集或稗官小說或家傳誌狀俱仿咸淳臨安志之例於各條之下注出書名庶無攘善之嫌亦無杜撰之訛或略加櫟括則曰據或曰采或曰參用要無失乎古人之本意也

一公署賦稅戶口兵制諸門皆據公文案牘亦於各條之下注明某衙門來文某科檔冊以憑徵信

一鄞邑江海環匯衆流所趨古人設立堰碶以資灌溉城中日月兩湖受上游諸水又有氣食水三喉以宣導之歲久湮塞今已鳩工開濬復其舊道故敘述水利較之舊志爲詳

一職官選舉姓名俱列於表其政績昭著德業可稱者別

爲立傳職官表祇載本縣官師不及統轄大僚者縣志之體也名宦則監司郡守皆兼載之功德及民例當俎豆學宮且附郭之邑受恩尤親切也

一名宦止述其有德於一方者如曾子固王介甫范致能諸人但敘其在任事蹟若立朝本末自見正史毋庸覲縷一志中所載人物略仿國史之例但國史善惡兼書志則有美無刺故有名位貴顯而不得立傳者若一人之身瑕瑜不掩則當節而取之倘任情愛憎以黑爲白豈惟公論難掩亦恐鬼責莫逃

一古人事蹟當以正史爲憑胡制使袁學士之書所述遷除次第奏議建白皆灼然可信雖於鄉先達之短或諱而

不言亦見古人恭敬桑梓之義讀者可於言外得之也後人不信舊志而好采家傳乍閱之風節矯然徐考之了無實據假冒官資造作故事以子虛亡是之言欲令千秋尸祝人心風俗之燮莫此爲甚成化嘉靖志所補宋人傳多坐此病今稍汰其太甚者而於辨證中詳言之若舊闕而今增則必引據史傳及名人撰述文集信而可徵者不敢徇一家之私乘以滋後世之惑也

一進士登第例載某年唐宋以後諸史皆然金史間有書于支者不足法也朱氏明詩綜亦稱于支非史傳也舊志多舉于支今依史例正之

一別號非古也私諡古人雖有之後世則諛而濫矣今皆

刪去以省繁蕪

一魏南仲張才彥朱新仲等皆非鄞產而卜居斯土子姓相承寶慶延祐二志俱已列諸人物矣蔣浚明雖籍隸奉化而世居湖上有金紫之巷故亦列諸人物非妄爲援引也朱長文蘇州人而舊志進士題名列之豈其先世出自明州耶今依舊志不爲立傳而藝文類附見其撰述云

一志中所列寓賢大半正史有傳生平大節毋庸更爲縷述惟據其在鄞事迹書之若徐季海爲州別駕張橫渠以治苗振獄至明究與寓公有別或謂朱文公嘗寓郡學則無稽之言也今皆不取

一人品定論必在身後名宦人物見存者例不立傳惟貞

節之婦已經

朝廷旌表者不分存歿俱著於編

一貞女節婦已邀旌表者俱得立傳更有身處窮約無力
闢揚而行義灼然衆所共信者亦皆兼錄以慰苦節

一藝文一門唯取邑人著述書目按經史子集四部分類
編次若詩文之有關於掌故者以類附入各門亦用景定
建康咸淳臨安二志之例

一前賢撰述見於正史舊志者俱分類編入藝文近代諸
公著作如林須曾經刊刻傳鈔已有定本可以傳世者乃
著於錄不敢循名泛列以昭慎重

一羅端良新安志曾立金石一門明州故有刺史裴儼王

密二碑出於李陽冰篆又有韓擇木開元寺碑柳公權金剛經今皆不復存矣茲據其見存者考而錄之宋元以前斷碑隻字悉著於錄明碑則擇其文字之佳者

一前人題詠序記業已散附各門至如陸士龍書王介甫鄞縣經遊記王伯厚七觀全紹衣湖語李杲堂萬季野竹枝詞皆春容大篇傳誦人口而難以附見一處今依袁清容之例彙爲一卷以土風名之

一古人作志必先聚書惟備萬卷之儲乃可資攷證之益鄞邑故多藏書家但范氏天一閣書例不假出盧中翰址抱經樓收藏最富志局初開盡出插架善本以供檢閱文獻之徵實有賴焉

一秀水朱氏輯日下舊聞自謂中間滲漏隨覽隨悔蓋精神有未到聞見有未周著書之家不敢自謂必無遺憾也此志之成雖邑中同志互相商榷采訪亦勤較之聞性道原本竊謂文減事增矣補遺訂譌更有望於後之君子

修書姓氏

鑒定

浙江分巡寧紹台海防兵備道印憲曾

江蘇寶山人
辛未進士

浙江寧波府知府

陳鍾琛

廣西臨桂人
己卯舉人

承修

浙江寧波府鄞縣知縣加通判銜錢維喬

江蘇武進人
壬午舉人

總修

詹事府少詹事兼翰林院侍講學士錢大昕

江蘇嘉定人
甲戌進士

分纂

原任溫州府平陽縣教諭盧鎬

本縣人
癸酉舉人

候

選

知

縣

蔣學鏞

本縣人
辛卯舉人

候選

教諭

倪象占
象山縣人
庚子優貢

廩

生

袁鈞
本縣人

參校兼采訪

舉

人

范永祺
本縣人

舉

人

黃定衡
本縣人

廩

生

孫蔚
本縣人

鄞縣志目錄

序

凡例

圖

卷首

天章

卷一

建置沿革

星野
形勝

疆域
風俗

卷二

城池

鄉里
橋梁

街巷
津渡

坊表
郵站

市鎮

卷三

鄞縣志

目錄

山川

卷四

水利

卷五

學校

書院

公署

卷六

田賦

戶口
鹽課

倉儲

兵制

海防

卷七

壇廟

卷八

職官

卷九

選舉上

卷十

選舉下

卷十一

名宦

卷十二

人物一

卷十三

人物二

卷十四

人物三

卷十五

人物四

卷十六

人物五

卷十七

人物六

卷十八

孝義 藝術 寓賢

卷十九

列女

卷二十

仙釋

卷二十一

藝文上

卷二十二

藝文下

卷二十三

金石

卷二十四

古蹟 冢墓

卷二十五

寺觀

卷二十六

雜識上

紀事
文獻

祥異

卷二十七

雜識下

叢談

卷二十八

物產

卷二十九

土風

卷三十

辨證
舊志源流

鄆縣志
卷首圖

縣境圖

張家堤

東至鎮海縣界十四里

鎮海縣

北至鎮海縣界

東至鎮海縣界三十五里



東至鎮海縣界

陳嶺

金峨山

茅山

山

東山

大嵩山

大嵩山

江管

海

海

里五十

里五十三界縣歸慈至北西

西渡

白鶴

石頂

壩西

渡溪李

渡林清

山春望

西至慈縣界三十里

西南至紹興府餘姚縣界百十里

北渡

左橋

南渡

里十五界縣化奉至南

前界山

四石

天井

塔嶺

梅山嶺

城池圖

天后宮

靈橋門

東渡門

山川壇

右營守備署

城守營都司署

常平倉

左營守備署

左營遊擊署

左營守備署

縣丞署

右營守備署

左營守備署

典史署

縣城隍廟

延慶寺

天封塔

府城隍廟

府學

同知署

縣丞府治


提督公署


縣學

海關行署


日湖


和義門







縣署圖





學宮圖





分部圖

東
漢
界

海

鎮海界

白沙

江北岸

定橋

北
鎮

老界鄉赤坡里

三都

四都

五都

六都

陽堂鄉太白里

七都

十都

九都

十一都

十二都

東錢湖

十四都

翔鳳鄉滄門里

大嵩

十三都

十五都

象山界

奉化界

金戛山

大梅山

豐樂鄉石柱里

二十五都

二十四都

二十三都

三十七都

三十九都

鄞塘鄉姜山里

三十八都

二十都

五十都

手界鄉赤坡里

十八都

二十一都

一都

二都


天都


十九都

武康鄉
小江里
鄞縣治
東安鄉
白庭里


甬東區








四鄉水利圖





下系二

小水圖

九

海防圖



白沙汛

都縣城

縣城東南至海九十里

管山汛

橫山寨

黃牛山寨

獅子山

紫坡汛


星龍山

奉化界

針埔
夷港

島嶼南風象山界

四明山圖





東錢湖圖

廣木梁

上紅橋


五仙橋


一畝山

大花手

上水

下水







鄧縣志


月湖書院圖

卷首圖










大章寺圖


太白山



塔院

小天寶

伏虎亭



阿育王寺圖





山凡玉

鄞縣志卷首

天章

順治十六年閏三月

欽召天童寺僧道忞勅

皇帝勅諭朕惟善政導民期適蕩平之路仁風扇物統歸
化育之中仰千聖之徽猷邇百王之遺軌理無分於三教
道豈外於一心故佛演法門立闡揚之大旨祖標禪理示
默契之真宗皆所以迥脫疑情頓開覺性惟曹溪之一脉
儼雞足之上乘暨臨濟之三元允象王之法乳慧雨普施
於一切宗風常勝於五燈緣衍法之獨隆斯傳衣之最衆
朕撫臨寰宇心切孺民期與四海蒼生共臻覺路必使明

心而見性方能易惡而至中時覽元文間嘗參究續圖頓
交融之旨必行解相應之人間爾禪僧道忞臨濟正傳宗
門法器戒行清峻不染六欲之塵道眼圓明能空四諦之
妄風規早著解脫有年憫結習之牽纏揭單傳之要妙是
用特遣僧錄司右闕教淨行禪僧法璽齋勅前往欲闡元
風竚聞高論爾其洗鉢就道持錫往征無耽深隱之情用
慰遠延之切嗚呼宏宣大道復淳古之休風廣度迷情躋
含生於壽域欽承朕命式賁爾宗欽哉故諭

十七年四月

封天童寺僧道忞宏覺禪師勅

皇帝勅諭朕惟佛會拈華妙心傳於迦葉禪行面壁宗旨

付於神光六葉旣數千華競秀蔭法雲於真際火宅晨涼
耀慧日於康衢重昏夜曉以至瞋目揚眉擎拳舉指類皆
合宗門之妙諦得教外之靈機誠非它學可知亦豈意生
所度眷言道行冀覲高蹤實悟真如必先元覺咨爾禪僧
道忞嗣法天童傳宗臨濟克證無生之旨機自元明允通
向上之關悟稱諦當朕爰稽載籍祈會性真間覽元文深
嘉妙義故時於聽政之暇詢爾以法道之微乃名言之不
繁克隨機而得解元關幽鍵感卽能通遙源濬波酌之不
竭傳一燈於種智了萬法於真空廣量出於凡心元明踰
於宿學引之於有高謝四流推之於無俯宏六度信乎凡
之可以證聖洵哉惟覺可以悟迷非同測海窺天固已登

堂入室堪主法門之席允稱禪衆之尊是用封爾爲宏覺
禪師錫之敕印嗚呼慈周萬有大身徧於十方利濟四生
本覺超乎三世俾舉代咸登仁壽之域在隨方而啟般若
之門其益懋爾勤修庶宏開夫正梵式承嘉命丕闡宗風
欽哉故諭

是年

御札賜天童寺僧道忞曰朕每念法門輒景先哲知雪嶠
大師藏塔卓立雲門後學諸方應共瞻仰比聞山界雖分
基址漸圯恐年深人遠凌毀堪虞今特捐五百金重爲修
治雖未必足窳波之費然經朕一爲整葺人必改觀起敬
自不敢復行侵侮矣禪師重念儀型久懷崇飾當勉爲經

理承朕敬禮尊宿之義以副風心

天童寺敬藏

世祖章皇帝御書敬字

題云爲木陳老人書又

御書額二一日松風水月一日堯天舜日

御書柱聯三曰無法向人說將心與汝安曰孤雲臥此中
萬山拜其下曰大護法不見僧過善知識能調物情又

御畫水墨葡萄一幅上有

御章敕賜二字

康熙二十八年二月十六日

御書千城二大字

聖果元
賜浙江提督陳世凱

三十六年二月五日

御書重鎮二大字

賜浙江提督世襲一等侯馬三奇

諭曰爾父子俱係侯爵提督此重字當讀平聲

三十八年三月二十六日

御書樂善不倦四字

賜浙江提督趙宏燦

四十四年閏四月

御書金字心經一卷

賜天童寺

四十六年四月十一日

御書篤枕堂三字

賜浙江提督王世臣又

御書四時常喜戈船靜千里須教壁壘新一聯
賜之

五十五年閏三月六日

御書寬惠赴桓四大字

賜浙江提督吳陞

雍正二年七月二十九日

御書秉心誠惻四大字

賜浙江提督楊長春

乾隆十六年三月十四日

御書雙鑠專闕四大字

賜浙江提督吳進義

三十九年

御製題魏了翁周易要義

華父師敬子其學傳紫陽紫陽注周易獨稱卜筮方舉占
意有謂恐人涉荒唐魏乃宗正義刪繁取其臧釋文考陸
氏兼引馬鄭王簡以得其要約而頗致詳蘊尊尙勿知希
寶誠吉光開宗闢虛元孔門教用彰三易明周稱蓋謂取
岐京乾健具四德坤順惟隨倡弗牛而曰馬牝馬行无疆
然予更思之仍卽一乾剛乾坤分既定餘卦推類明大端

弗失正十翼臣之良出處益卓然正色立朝綱豈徒託空
言用易誠有常四庫廣搜羅懋柱出珍藏鈔刻俾歸之牖
世文教昌卷首題五言用賁世守長

御製題意林

集錄裁成庾穎川意林三軸用茲傳漫嫌撮要失備載嘗
鼎一臠知味全

都護安南政不頗用儒術致政平和奇書五卷銅柱二無
忝祖爲馬伏波

六經萬古示綱常諸子何妨取所長節度豈徒務佔畢要
知制事有良方

謹案魏了翁周易要義馬總意林二書鄞縣生員

范懋柱所進

御製詩題其簡端仍給還本家今尊藏於天一閣

御製題絮齋毛詩經筵講義

經義要當重切磋絮齋不事頌辭阿解經依注無爲異取

古誠今有足多雅頌諸篇惜已失風南數首出重羅黍離

故國三致意其奈羈王弗聽何

御製題袁燮絮齋集六韻

學爲君子儒體用亦相符性悟雖宗陸身名未異朱燮師事陸

九淵得其指授具有原本又少以名節自期立朝屢進讜言所至政績皆可紀在南宋諸儒中可謂學有體用者具

詳宋史本傳邊情言頗悉民務政多殊集中劄子幾及三十首

而陳民務進治要亦切實可見施行向惟散見永樂大典中今爲哀輯得廿四卷雖未必能盡還原書之舊亦可存

十之六七因命大典昔割玉哀編今合珠虛車祛藻繪實
刊刻以廣流傳地有工夫傳世因在此詩文餘事乎

御製駕幸文淵閣詩

四庫鈔書歲次第因之絜矩到南邦班傭此實官帑發盧
經殊彼衆力扛袞鉞必公慎取拾淄澠細辨斥蒙龐范家
天一於斯近幸也文淵乃得雙

乾隆三十八年三月十九日奉

上諭昨以各省採訪遺書奏到甚屬寥寥已明降諭旨詳
切曉示予以半年之限令各該督撫等作速妥辦矣遺籍
珍藏固隨地俱有而江浙人文淵藪其流傳較別省更多
果能切實搜尋自無不漸臻美備聞東南從前藏書最富

之家如崑山徐氏之傳是樓常熟錢氏之述古堂嘉興項氏之天籟閣朱氏之曝書亭杭州趙氏之小山堂寧波范氏之天一閣皆其著名者餘亦指不勝屈竝有原藏書目至今尙爲人傳錄者卽其子孫不能保守而輾轉流布仍爲他姓所有第須尋源竟委自不致湮沒人間縱或散落他方隨處蹤求亦不難於薈萃又聞蘇州一種賈客惟事收買舊書如山塘開舖之金姓者乃專門世業於古書存佚原委頗能諳識又湖州向多賈客書船平時於各處州縣兌買書籍與藏書家往來最熟其於某氏舊有某書曾購某本問之無不深知如能向此等人善爲諮詢詳加物色因而四處借抄仍將原書迅速發還諒無不踴躍從事

至書中卽有忌諱字面竝無妨礙現降諭旨甚明卽使將來進到時其中或有妄誕字句不應畱以貽惑後學者亦不過將書燬棄轉諭其家不必收存與藏書之人竝無干涉必不肯因此加罪至督撫等經手彙送更無關礙又何所用其疑畏乎朕平日辦事光明正大可以共信於天下高晉等尤所深知而其所隸州郡藏書什倍於別省徵訪之事更當是其責成着將此轉交高晉薩載三寶務卽恪遵朕旨實力購覓竝當舉一反三迅速設法委辦以副朕殷殷佇望之意如有覓得之書卽行陸續錄送毋庸先行檢閱致稽時日將此由四百里傳諭知之

乾隆三十九年五月十五日內閣抄出奉

上諭國家當文治休明之會所有古今載籍宜及時蒐羅大備以光冊府而裨藝林因降旨命各督撫加意採訪彙上於朝旋據各省陸續奏送而江浙兩省呈獻者較數尤多廷臣中亦有紛紛奏進者因命詞臣分別較勘應刊應錄以廣流傳其進書百種以上者竝命將其中精醇之本進呈乙覽朕幾餘親爲評詠題識簡端復命將進到各書於篇首用翰林院印竝加鈐記載明年月姓名於面頁俟將來辦竣後仍給還各家自行收藏其已經題詠諸本竝令先行錄副將原書發還俾收藏之人益增榮幸今閱進到各家書目其最多者如浙江之鮑士恭范懋柱汪啟淑兩淮之馬裕四家爲數至五六七百種皆其累世蓄藏子

姓克守其業甚可嘉尙因思內府所有古今圖書集成爲書城鉅觀人間罕覩此等世守陳編之家宜俾專藏勿失以永畱貽鮑士恭范懋柱汪啟淑馬裕四家著賞古今圖書集成各一部以爲好古之勸又各進書百種以上江蘇周厚堉蔣增榮浙江吳玉墀孫仰曾汪汝琛及朝紳中黃登賢紀昀勵守謙汪如藻等亦皆藏書舊家竝著每人賞給內府初印之佩文詩韻各一部俾亦稱爲世寶以示嘉獎以上應賞之書其外省各家該督撫鹽政派員赴武英殿領回分給其在京各員卽令其親赴武英殿祇領仍將此傳諭知之

乾隆三十九年六月二十四日奉

上諭浙江寧波范懋柱家所進之書最多因加恩賞給古
今圖書集成一部以示嘉獎聞其家藏書處曰天一閣純
用磚甃不畏火燭自前明相傳至今竝無損壞其法甚精
著傳諭寅著親往該處看其房間制造之法若何是否專
用磚石不用木植并其書架款式若何詳細詢察覈其準
樣開明丈尺呈覽寅著未到其家之前可預邀范懋柱與
之相見告以奉旨因聞其家藏書房屋書架造作甚佳畱
傳經久今辦四庫全書卷帙浩繁欲倣其藏書之法以垂
久遠故今我親自看明具樣呈覽爾可同我前往指說如
此明白宣諭使其曉然於心勿稍驚疑方爲妥協將此傳
諭知之仍著卽行覆奏

乾隆三十九年七月二十五日奉

上諭四庫全書處進呈總目於經史子集內分晰應刻應抄及應存書名三項各條下俱經撰有提要將一書原委撮舉大凡並詳著書人世次爵里可以一覽了然較之崇文總目蒐羅既廣體例加詳自應如此辦理第此次各省搜訪書籍有多至百種以上至六七百種者如浙江范懋柱等家其哀集收藏深可嘉尙前已降旨分別頒賞古今圖書集成及初印佩文韻府並擇其書尤雅者製詩題卷俾其子孫世守以爲稽古藏書者勸今進到之書於纂輯後仍須發還本家而所撰總目若不載明係何人所藏則閱者不能知其書所自來亦無以彰各家珍弄資益之善

着通查各省送到之書其一人而收藏百種以上者可稱
爲藏書之家卽應將其姓名附載於各書提要末其在百
種以下者亦應將由某省督撫某人採訪所得附載於後
其官板刊刻及各處陳設庫貯者俱載內府所藏使其眉
目分明更爲詳細至現辦四庫全書總目提要多至萬餘
種卷帙甚繁將來鈔刻成書翻閱已頗爲不易自應於提
要之外別刊簡明書目一編祇載某書若干卷註某朝某
人撰則編目不繁而檢查較易俾學者由書目而尋提要
由提要而得全書嘉與海內之士考訂源流用昭我朝文
治之盛著四庫全書處總裁等遵照悉心妥辦並著通諭
知之